



# s'acua de is froris

Sa noti intra su 23 e su 24 de làmpadas in Sardigna e in àteras regions de Itàlia est costummu a preparai s'acua de is froris, arregollendi prantas, erbas fragosas e frorixeddus, de ponni in una scivedda cun àcua e de lassai a totu noti in foras po pigai su serenu. Est una traditzioni chi s'ammeturat a ritus antigus de maxia alliongiaus a su solstìtziu de istadi e a sa religioni catòlica.

ammenta

tzìpiri

marialuisa

folla de Santa Maria

arrosas

violas

timòngia





# is fogus de Santu Giuanni

Santu Giuanni est patronu de Masainas:  
in sa màgini piciocheddus masainesus  
sartendi su fogu.

Si fadiant po stesiai sa malasorti e circai amparu de is maladies po totu s'annu. Prus che totu teniant unu sinnificau forti meda de amigàntzia chi duràt a totu vida intra is chi sartànt is fogus, chi si fadiant **gommais e gopai de is froris**. Cundu sartànt is fogus a manu pigada narànt: "*Santu Giuanni, filla de Deus, gommais seus, po cantu biveus*". Acuntessiat (mesu pagu, po nai sa beridadi) ca s'amicìtzia intra gommais e gopais spaciàt: de ingunis su dìciu "**ant spaciau su santuanni**" o "**ant scuncordau su santuanni**" imperau puru po nai ca una relatzioni strinta est acabbada.